

# BONERIANO

“  
Reputashon ta  
un blas ku ta  
remená di su  
mes ora ku un  
persona trata di  
yen'e di mas..

BONERIANO

EDITOR:  
Bonaire Communication Services N.V.

Djaweps 11 Yanüari 2024 | Preis: \$1.25

## NOLLY OLEANA TA SKONDE KOS?

Turista ta kai na pena di kachó



*Un dama turista ku a kaba di baha for di barku djaluna mainta a topa ku un kachó ta kana rònt den área di Parke Wilhelmina. El a kai na pena dje animal i a disidí di dun'é kuminda. Boneiru tin problema grandi ku kachónan ku ta kana lòs, hopi di nan sin un doño, òf tin un doño ku no ta pèrkurá pa nan.*

PA TUR BO  
PIESA I TIRE  
PA BO AUTO,  
BUS OF TRUCK

**NAPA**

KAYA CARLOS A. NICOLAAS | 717-6272

**xerox**™



**OBERSI  
ELECTRONICS  
BONAIRE**

[www.cityshopbonaire.com](http://www.cityshopbonaire.com)

[f](#) City Shop Bonaire

[whatsapp](#) +599 700.6442

[phone](#) +599 717.3666

**City Shop**

Smart shopping • Better living

**LIVE  
FM 99**

BIA huntu ku Ministerio di Infrastruktura i Maneho di Awa

# Invershon den iluminashon pista pa siguridat

**KRALENDIJK** -- LenW i BIA, pa e motibu Bonaire International Airport N.V. (BIA), huntu ku Ministerio di Infrastruktura i Maneho di Awa, IenW, ta bai renobá e asina yamá instalashon di Airfield Ground Lighting (AGL) di Aeropuerto Flamingo. Esaki ta nesesario pa keda kumpli ku eksigensianan di International Civil Aviation Organization, pa aviashon sivil.

E instalashon AGL ta un elemento importante pa garantisá aviashon seif.

ei a hasi palabrashonnan anteriormente tokante **f i n a n s i a m e n t u** i ehekushon. Na aeropuerto di Rijkswaterstaat, ku su ekspertisie komo servisio ehekutivo di IenW, ta pèrkurá pa maneho di e proyekto. Ku firmamentu di e kontrato ku SPIE Nederland, un suministradó internashonal di sistemanan tékniko kompliká, a dal djamars un paso importante. Despues un prosedura

di destaho bon prepará, nan ta bai ehikutá e trabounan riba enkargo di Rijkswaterstaat.

Na aeropuerto di Boneiru ta baha i subi diariamente desena di buelo pa i for di Hulanda, Merka, Canada i un kantidat di destinashon manera naturalmente Kòrsou i Aruba.

Ku 424.000 pasahero den 2022, Aeropuerto Flamingo ta e di 4 aeropuerto di Hulanda i e ta un di e dos aeropuertonan Hulandes

ku diariamente ta risibí avionnan wide-body pa tráfiiko interkontinental.

E aeropuerto ta operá bou di supervishon di Inspectie Leefomgeving en Transport (ILT) di Hulanda i un bon sistema di iluminashon di pista p'esei ta di sumo importansia pa un operashon sigur.

E instalashon AGL ta konsistí di iluminashon di pista, iluminashon pa aproksimashon, kabel, pos, suministroo di emergencia di koriente i sistemanan operashonal. E aktual instalashon ta yega final di su eksitensia den algun tempu.

En total lo instalá algun sentenar di lus LED i asesorio duradero, lo pone desena di pos i lo pasa kasi 100 kilometer di kabel. BIA i IenW, konhuntamente ta karga e invershon den e sistema nobo.

Onno de Jong, Chief Operating Officer na BIA: “Mi ta kontentu ku despues di dos aña di preparashon intensivo a logra e echo importante akí ku éksito.

Asin'aki Aeropuerto Flamingo den futuro tambe ta sigurá di un sistema di iluminashon di pista konfiabel i sigur.”

Segun espektativa, remplaso di e instalashon di AGL lo kuminsá den e promé mitar di 2024. E trabounan ta tuma lugá partikularmente den oranan di anochi, di manera ku aeropuerto por keda habrí normal, pa buelonan di ambulans tambe.

Ta harma e sistema nobo banda di e sistema eksistente i ta te ora tur kos ta kla, ta bai over riba e sistema nobo.

“Nos ta sumamente kontentu ku e bon koperashon ku Ministerio i Rijkswaterstaat. Ku firmamentu di e kontrato akí, nos a haña den SPIE un suministradó konfiabel ku lo bai ehikutá e proyekto akí próksimo aña.

Ku e esfuerso komun akí, nos ta garantisá ku Boneiru, den futuro tambe, ta alkansabel di manera sigur,” Maarten van der Scheer, direktor di BIA a bisa.



## Pronóstiko di tempu pa Boneiru

**Djárason 10 te Djaweps 11 Yanüari 2024**  
**Prinsipalmente awe algun áwaseru**

**Parsialmente nublá i prinsipalmente seku. E temperatura máksimo lo ta aproksimadamente 31°C, e temperatura mínimo mas o ménos 26°C. Bientu for di direkshon ost ta moderá te basta fuerte i posiblemente de bes en kuando fuerte, forsa 4 te 5.**

**Altura di ola: 2.5-3.0 m (7-9 pia), djaweps 1.5-2.0 m (5-7 pia)**

**\* Altura di ola válido pa laman grandi**



Gezaghebber òf gezaghèber interino:

# NOLLY OLEANA TA SKONDE KOS?

**KRALENDIJK** - Durante un rueda di prensa ayera 10 di yanüari konsehal Junny Wout a deklará ku Reynold 'Nolly' Oleana a bira e gezaghèber di Boneiru. El a tilda Oleana di ta skonde informashon i di no ta transparente. Segun Wout for di dezèmber aña pasá Oleana a bisa ku e ta e gezaghèber nobo pues e no ta fungi mas komo gezaghèber interino. Sinembargo Oleana no a bai komunidad i anunsiá esaki. Sigur algu straño mirando ku nunca Oleana a demonstrá interes pa bira gezaghèber. Su

eskoho tabata pa karga temporalmente e funshon komo gezaghèber interino. BONERIANO aserká gezaghèber interino Oleana pa mas klaridat. Sinembargo te ku publikashon di nos artíkulo nos no a risibí un reakshon. Ya pa basta siman tin spekulashon tokante ken lo ta e siguiente gezaghebber. Ministerio di Asuntunan Interno i Reino (BZK) ku ta esun enkargá ku e proseso aki ainda no a anunsiá ken ta bira e gezaghèber nobo. Tampoko kon leu e proseso ta. BONERIANO na vários okashon a reportá tokante

esaki. Tambe na momentu ku Glenn Thodé a stòp su proseso di solisitut pa bira e siguiente gezaghèber di Boneiru. Algu ku a sorprendé hopi hende mirando ku Thodé tabata un kandidato basta fuerte den e proseso di solisitut. No por ninga ku e proseso pa rekrutá e kandidato adekuá pa kumpli ku e funshon aki ta tarda. Awor a bira konosí ku ta Oleana mes ta keda komo gezaghèber. Ainda e no a huramentá komo tal i tampoko a nombr'é oficialmente.



## Turistanan mas i mas ta usa stul ku motor

*Turistanan mas i mas ta usa stul ku motor, pa nan sigui disfrutá di bida. Momentu tin barku di turista, ta notabel mas i mas e turistanan ta usa e stul ku motor. Aparte di turista, diferente hende lokal tambe ta hasi uzo di e tipo di aparato aki, pa move di un sitio pa otro. P'esei ta importante pa mantené i krea fasilidat pa e tipo di medio di transporte menshoná. Ta importante pa nan tambe tin aksesu na entre otro Supermarket i ofisinnan di gobièrnu. Esaki por fasilidat diferente persona, ku ta sea desabilitá òf ku tin difikultat pa kana distansia largu, ta uza e stul ku motor pa yega diferente kaminda.*



11 di Yanüari 2024

**“Si Bo (Hesus) ke,  
Bo por kura mi.”  
(cf Marko 1,40)**

**Konsiente di su situashon, e leproso ta akudí na e úniko Persona ku por san'é; su úniko speransa. Felis e hòmber, ku tabata konsiente di su lepra.**

**E lepra a resultá un bendishon pa e hòmber, pasobra danki na e lepra, e tabata konsiente di su nesesidat imenso di sanashon. Ma ai di ami ku ta sufrí di “lepra” di orguyo i outosufisiensia. Mi pòtmòni ta yen, mi barika ta yen i mi ta gosa di un fiesta pa e siguiente paranda. Bida ta dushi! Mi no falta nada! Bon mirá, mi euforia ta asina teribel, ku mi ta ignorá e variantenan modèrno di “lepra”, ku ta destruí mi alma. (cf Lukas 21,34) Mare mi por despertá for di mi soño irealista i enfrentá mi realidat ku sabiduría, kurashi i humildat.**

Señor pordoná mi, mi ignoransia, mi indiferensia i insensibilidat i salba mi pa motibu di bo amor. (cf Salmo 44,26)

**1L 1 Sam 4,1-11;  
Salmo 44,10-11.14-15.24-25;  
Ev. Marko 1,40-45**

005999-522-4056 Un Snechil Pan unsnechilpan

**S.R. International N.V.**  
ta buska  
**1 technician installation & service airco**  
Pa info telefón **701-1713**

“Un diputado ta hòrta 2000 dòler di hospital”

# Enkuentro ku prensa “Klechi Gate”

**KRALENDIJK** — Djárason traimèrdia partidonan polítiko UPB i MPB a tene un rueda di prensa, kaminda nan a papia riba e asuntu ku a sosodé ku Clark Abraham i a bisa tin un silensio rondó di e asuntu aki. Nan a mensioná ku ta trata di un asina yamá Klechi Gate.

James Kroon a bisa, despues di deseá tur hende un año fruktífero, a bisa kuo UPB ta selebrá 55 año e año aki.

Kroon: “A saka nos for di gobièrnu i awor 2 luna a pasa i tin un situashon hopi fastioso. Ku ayudo di Hulanda a tumba gobièrnu, laga mi yam’e ‘Klechi Gate’. Nos komo partido no ta bai kaba ku niun hende. Simplemente nos ke mostra pueblo kon e situashon ta. Clark Abraham den pasado ya a logra tumba gobièrnu i nan no a logra nada. Awor ku Demokrat ta na mando, tampoko nos no ta tende nada di M21. Nan boka

ta betòn betòn, manera ta skirbí den korant di awe.”

Mi a nota algun kos ku mi atendé. Na promé lugá danki na Betty Engelhardt, pasobra e ta tene mi bibu riba media sosial. E asuntu di rotònde ta stashon pasá. Kaso serado.

Mi no a traha rotònde ni diseñá, tampoko tabatin kompania ku a traha rotònde. Mi no a bai korte tampoko será, pa asuntu ei. Mi ta liber.”

Kroon a sigui bisa ku loke a sosodé último tempu Demokrat ta yama tur hende ladron. “Awor nos no ta yama nan ladron, pero a bini algu den publisidat ku Clark, a evadí belasting. Ta imposibel loke ku hues a bisa. Ta trata di un kompania ku no ta registrá na Kámara di Komèrsio. Ta hasiendo negoshi pa añnan sin paga belasting. Mi tambe ta haña informashon den mi brievebùs. Nos no ta mete ku kosnan privá



di Clark. Pero ta kosnan fèrfelu loke a sosodé ku e asuntu di klechi di kama.”

“Nos t’ei pa yud’é. Kosnan ta sosodé pa e i pa nos tur den gobièrnu. Si e ta paga belasting, e tin ku prueba esaki. Ta basta ku e abusunan ku ta sosodé. Bo ta yama tur hende ladron i kiko a sosodé ku bo mes? Momentu nos tabata den gobièrnu, tur kos Hulanda ta pone atenshon na dje, awor ku Demokrat ta na mando, Hulanda ta laga nan hasi loke nan ta deseá.

Clark a bira un Donald

Tromp di Boneiru!”

**Hennyson Thielman**

“Ta di lamentá, ku nos tin ku papia promé kos di año loke ta sosodé. Nos tur ta hende i por faya. E ta pasa ku tur hende, ta kos ku por sosodé. Loke si nos ta haña straño, e aktitut di e persona awor ku kos a sali na kla. Mariadal tabata den difikultat pa asuntu di klechi. A aserká kompania di Clark. A atendé asuntu di pago a pasa tur sèn pa Clark, pero e nos a entregá e klechinan. A purba tur manera pa haña Clark, pero niun manera nan no a logra”, Hennyson Thielman di MPB a bisa.

“Nan a disidí di bai korte. Clark a pidi dispensashon. Na 2 okashon Clark no a presentá na korte, hues a disidí pa pone Clark paga. Ta trata di un kompania di Clark, ta un kompania fantasma loke hues a bisa. E kos aki ta algu hopi serio a sosodé. Clark ta bisa e kos ta algu priva,

pero esei no ta bèrdat. Clark por a bisa e ta warda e kaso terminá i despues drenta posishon klave den polítiko. Pero ansha pa drenta polítiko, el a opta pa mas rápido e ta diputado.”

Un diputado ta hòrta 20000 dòler di hospital! Unda nan ta awe? Unda Ceryl Vrolijk ta? Gezaghèber i tur hende ta ketu. Tempu algu a sosodé ku mi señora su kompania, ta masha kos a bisa i awor, tur hende ta boka será. Nos ta hopi leu fo’i kas. Nos no por aseptá esaki. Clark tin posishon klave i si no par’e aki, e por hasi den su trabou komo polítiko e mesun kosnan. E no ta riba tur lei. Nos no ta bai laga e kos bai asina, pa e no sigui sosodé.

**Junny Wout**

“Nos tin pregunta pa gezaghèber Nolly Oleana di Boneiru i no gezaghèber interino. Esaki e ta skonde, pero ta asina ta! E ta gezaghèber



di Boneiru!”, Junny Wout a bisa.

El a lansa diferente pregunta dirigí riba gezaghèber Oleana: “Mariadal ta esun ku tambe tin kulpa. Ku kua midí ta midí na Boneiru? Inhustisia ta kana hopi na Boneiru. Hopi no ía bai gusta loke mi ta bai bisa. Despues di 10.10.10 hulandesnan ta midí ku diferente midí. Straño ta ku ami ta hasi kos grandi, ta haña straf i den e kaso aki Clark ta hasi kos

grandi i nada a sosodé. Si tabata otro hende, masha ora e lo tabata na na kas. Otro kaso ku a pasa den pasado James Kroon, a pèrdè su trabou i tambe mas hende na duana, un manera inhustu. Mi ta papia di esaki paso mi a pasa den i sa ku no ta nada dushi. Hopi lo no gusta. Pero mi t’ei pa papia bèrdat. Unda Daisy Coffie ta awor? El a skibi henter un karta, kontra Hennyson Thielman algun tempu pasá, unda e

ta awe?”

Benito Diksz a bisa: “Tin hende ta ataká James Kroon, sa ku e kosnan no tin base. E situashon aki tin atenshon i nos ta keda vigilá e situashon di Clark ku hopi bista.”

Hennyson a bisa ku e motibu ku UPB a sinta huntu ku MPB pa papia di loke a sosodé ku Clark.”


Junny a bisa mester para e kosnan si no par’e, nan ta sigui sosodé. Gezag no ta bisa nada. E fayonan ta serio.

# Yuda nos tene nos playanan limpi



[www.extraboneiru.com](http://www.extraboneiru.com)

## MADAM X



# Tapa e bèrdat ku klechi

Madam X a disidí pa keda ketu den e afèr di klechi. Ora hues a kondená mi amigu, mi a pensa mesora ku den boka será ni muska no por drenta. M’a want’e kos aki pa basta largu, pero awor mi kana a yena. Mi mester sali na defensa di mi Clarki. Ta kurason hende bibu no tin? No ta komprondé e

situashon di mi Clarki? E pobersitu no tabatin mal intenshon. Su beibi a nase i el a usa e klechinan pa traha bruki pa yu. Clarki a splika mi, e no ta kere den ‘pampers’. E ta estilo antaño. P’esei e no a duna Mariadal e klechinan. Ami a gaba Clarki, pa su iniciativa di bai bèk ántes. Awèl, mi a kere ku Bòi Antoin

komo historiador, lo a apresia ku Clarki a estafá Mariadal djis pa tene historia i kustumbernan di ántes na bida. Niun ratu so, a bati mi Clarki pió ku ta bati huda.

Pero mi Clarki ta un bon Demokrat. El a kulpa tur hende ménos su mes. Ku su dede largu el a mustra riba tur hende. M’a tah’e, e no

a skucha. Ora e tabata papia boka yen mustra ku su dede, un kachó a pasa mord’e dede. Tabata e mesun kachó ku el a bai Hulanda laga ku hamber. Tadema a sali grita: “Niet schieten Clarki, de hond is niet verkeerd. Jij bent dom.” Henter e situashon a bira un bòmbòshi. Poppetje Daisy a sali tra’i kortina i bisa Clarki pa keda kas i e mes ta bira diputado. Pero mi amigu Vrolijk no tabata nada kontentu ku e situashon. Madam X a komprondé ku ya el a kumpra pasashi pa subi e para blou. Madam X ta supliká gezag pa tene kuenta ku mi punto di òrdu i kuminsá aktua.

Mi amiga kurpa chikí sí ta leu fo’i kèns. Madam X ta bon kuné, mi sa flèktu su kabei ratu ratu. Bo mes sa, awendia ta na moda pa kana ku kabei krin. Sino, bo tin ku flèktu bo kabei las. Nini a bisa e si no ta kèns. E tabata sa ku e sunami di bèrgwensa di Clarki

tabata na kaminda. El a kore bai fo’i Boneiru bai skonde. Clarki chup’e i lemb’e.

Awor Henny ta sintá bou di su tèt ta bebe mojito i wak kon Clarki ta soda mané ta den fòrnu e ta. I e shon aya? Boso mes sa, e hòmber ku hopi webu. Madam X a komprondé ku ya el a pone fiesta na Karel’s, saka su pen speshal. E pen aya, esun ku e ta firma OVO kuné. E ta sinta ta warda e gobièrnu bai suela.

Madam X no por ku tur e tenshon aki, mi preshon ta kla pa subi yega plafòn. M’a aserká mi amigu Delnino, pa yerba di sòrsaka pa baha mi preshon. E tabata meimei di reunion di Konseho Insular i no tabatin tempu p’ami. El a manda mensahe bisa mi ku despues di Vrolijk ta e su turno pa karga beibi Demokrat. Ademas e no tin masha tempu pa muha e pal’i sòrsaka. Ta e lo bira hefe nobo na SKAL.



# 6 | WEB ta investigá blackout

**KRALENDIJK-** Dia 9 di yanüari nos a eksperensia un "black out" pa motibu di problemanan tékniko na e sentral di energia di Contour Global (CGB) na Karpata, ku ta den investigashon. Partikularmente, riba dia 9 di yanüari, pa 12.38 pm a surgi un interupshon di koriente inesperá ku a afektá henter e isla. Téknikonan di WEB i CGB a reashoná rápido i traha duru pa por a resolvé i repará e suministro di koriente. Despues di a restablesé e suministro di koriente kompletamente

riba e isla, e timnan tékniko di WEB i CGB a traha huntu pa detektá e kousa di e akontesimentu desafortuná aki. Un investigashon bon i profundo ta importante pa tur esnan konserní. Esaki ta e motibu ku WEB i CGB a kuminsá ku un komishon pa analisá i presentá rekomendashon pa garantisá konfiabilidad di e sistema di energia. WEB i CGB ta komprometé na brinda suministro di energia konfiabel, sin interupshon. Nos ta rekonosé e importansia krusial di

elektrisidat pa Boneiru i ta invertí aktivamente den mehorashon di infrastruktura i ta ekspandé e kapasidat di produkshon pa medio di fuentenan konvenshonal i renobábel pa por sigui kumpli ku e demanda kresiente di elektrisidat. E iniciativa tin komo meta pa stimulá suministro di koriente mas resiliente pa e isla. Siña di e insidentenan aki ta un prioridat pa nos. Nos ta implementá e medidanan nesario pa evitá futuro interupshon i nos ta keda dediká nos mes na brinda suministro di koriente di kalidat haltu, ku énfasis riba konfiabilidad i stabilitat di e suministro di koriente di Boneiru. Nos mas sinsero diskulpa pa e inkombeniensia okashoná dor di e interupshon resientemente. Nos ta gradisí nos klientenan pa nan pasenshi i kompreshon durante e momentunan desafiante aki. Banda di esei nos ta ekspresá nos gradisimentu na nos tim tékniko ku nan esfuerso inkansabel ku tabata krusial na momentu di resolvé e suministro di koriente.



## Programanan di Bonaire.tv

TELBO kanal 70  
Flamingo TV kanal 23

**Djaweps 11 Yanüari 2024**

12.00 Aktualidat:	Robby Beukenboom
13.00 Aki Boneiru:	Toyán Frans (Bolivia Tera blanku)
14.00 Herensia:	Romualdo (Shon Ma) Carolina
15.00 BAPA:	Jan Janga - Japi Oleana
16.00 Herensia:	Nicolas Esmeraldo George
17.00 Aki Statia:	Al Brown
18.00 Herensia:	Jenny Magdalena Fraai
19.00 BAPA:	Eddy Melaan
20.00 Herensia:	Pana Egbrecht (Su bida)
21.00 Aki Boneiru:	Familia Pourier
22.00 Herensia Aruba:	Hubert Cornelis Naar
23.00 BAPA:	Equador 2

Tur mèrdia 12'or ta kuminsá un programashon nobo di 4 ora.

E programashon aki ta ripití pa 24:00.



Djaweps 11 Yanüari 2024



## Partisipashon Seramentu di kaya



Ta sera e siguiente kayanan temporalmente pa tráfiko motorisá riba **11 di yanüari 2024** entre **07.30 or pa 11.00 or**, debí na un evento di **INDEBON**:

**Kaya Playa Lechi:** di Playa Lechi te ku Kaya Albert Engelhardt

**Kaya Jan N.E. (Kachi) Craane:** di Kaya Albert Engelhardt te ku Kaya Isla Riba

E área será ta alkansabel pa hende na pia. Parker bo outo pafó di e área será i **no** dilanti e barikada. Ta usa e kamindanan pafó di e área será pa kambio di ruta. Ta indiká esaki ku bòrchi di kambio di ruta.

Diskulpa pa e inkumbiniensia i danki pa bo kompreshon.



## KON BO TA USA BO TEMPU?

Skritura: Efesionan 5

"Pesei, mira bon kon boso ta kana, no manera hende bobo, ma manera hende sabí, hasiendo bon uzo di boso tempu, pasobra e dianan ta malu." Efesionan 5:15-16(BS)

Limpia kas, kushiná, yuda un bisiña den nesesidat, makiá, kaba tarea di skol, entregá proyekto di trabou; tur ta bon. Sin embargo, nan no mester tin e promé prioridat den bo bida. Loke mester tin promé prioridat den bida, ta e kosnan ku tin balor eterno. Eterno, den e kaso akí ker men bida ku ta sigui despues di morto i ku ta dura pa semper (Juan 17:3). Loke ta dura pa semper ta: Dios, Su Palabra i hende su alma. Evaluá bo bida ku e preguntanan akí:  
-Mi ta hasi Dios kontentu ku loke mi ta hasi?  
-Kiko Beibel ta bisa? Beibel ta aprobá mi akshon?  
-Mi ta yuda hende ku no konosé Dios, pa konos'É?  
-Mi akshon ta animá un persona ku tin Hesus den su kurason pa biba manera Dios ke?

P'esei, sòru pa kana manera hende sabí, usando bo tempu bon. Buska pa sa kiko ta plan di Dios pa bo bida. Kon? Dor di lesa Su Palabra, i pidi'É papia ku bo, hasi orashon i papia kunÉ di bo karganan, dolónan, i bendishonnan. Hasi orashon pa bo mes, pero tambe pa bo próhimo. Hasiendo esakinan bo ta pone Dios na promé lugá. Kada bes bo faya kuminsá di nobo.

Dios Su misericòrdia i kompashon nunca ta faya. Tur mainta nan ta nobo. Habri i plania bo dia ku e konfiansa akí.

Awe usa bo tempu bon i pone prioridat ku balor eterno!

Priscilla (Lila) Krolis  
**Produkshon PGM**

# HUSTISIA



## Kònròlnan di tráfiko planiá

**KRALENDIJK-** Den oranan trempan di anochi riba djaluna 8 di yanüari, a tene kònròlnan di tráfiko planiá na Kaya Grandi i Kaya Korona en konekshon ku seguridat den tráfiko.

Durante e kònròlnan aki a kontrolá un total di 120 vehíkulo di kua a duna 10 shofùr but. A hasi un tèst di supla ku dos shofùr. Ambos shofùr tabatin un bon resultado.

Durante e kònròl na Kaya Korona a listra

profundo den un outo en konekshon ku Lei di Opio BES. Esaki pa motibu ku e agentenan presente a sinti un holó paresido na supstansianan narkótiko. Na momentu ku e agentenan a aserká e shofùr, el a deklará ku el a kaba huma un 'joint'. Durante e listramentu den e vehíkulo i den un tas di lomba di e shofùr, no a topa ku nada partikular. A dun'é un advertensia pa manehá bou di influensia di droga i tambe komo

ku e no tabatin un stul pa mucha pa su yu.

### *E butnan tabata pa lo siguiente:*

4x pa manehá sin seguro bálido;

2x pa manehá sin reibeweis bálido;

4x pa manehá sin faha di seguridat bistí.

KPCN ta hala atenshon di un i tur pa nan tin e dokumentunan nesesario, na òrdu. Tambe ta konsehá estrictamente pa kumpli ku e reglanan di Lei di Tráfiko. Ku esaki

bo tambe ta kontribuí na un tráfiko seif i sigur riba e isla.

Bo no ta kumpli ku reglanan? Bo por haña un but. E suma di un but pa e violashonnan menshoná ta varia entre \$30 te ku \$225.




### Detenshon pa manehá bou di influensia

**KRALENDIJK-** Riba djaluna 8 di yanüari, alrededor di 8:15 di anochi, a spòt dos skuter riba Kaya Maria di kua un di e shofùrnan no tabatin un hèlm bistí. Pa e motibu aki a duna ámbos shofùr señaal pa para.

E shofùr sin hèlm a haña un but i e otro shofùr no por a mostra un reibeweis bálido. A hasi un tèst di supla ku e di dos shofùr

pa motibu ku a sinti un holó di alkohòl serka dje. A konsekuensia di e resultado di e tèst di supla ku a hasi kuné, a detené e sospechoso pa manehá bou di influensia di alkohòl. Ta trata di un hòmber di inisial L.T.V.B. di 21 aña di edat. A transport'é pa warda di polis pa un análisis di rosea. E sospechoso a haña un prohibishon di manehá di 3 ora.



### Polis ta pidi yudansa den kaso di 'hit & run'

**KRALENDIJK-** Relashoná ku e aksidente di tráfiko 'hit & run' ku a tuma lugá riba djasabra 30 di desèmber 2023, alrededor di 10.45 or di anochi riba Kaya Amsterdam, polis ta pidi yudansa di komunidad.

Riba e dia aki un vehíkulo a alkansá un siklista i a sigui kore. Polis a kuminsá

un investigashon inmediatamente i ta hasi yamada na e shofùr pa bin mèldu su mes na warda di polis.

E investigashon a demostrá ku durante di e aksidente posiblemente un pikòp koló shinishi di marka Mitsubishi tabata enbolbí. Kuerpo Polisial Hulanda Karibense ta pidi shofùr di e vehíkulo

aki ku urgensia pa mèldu su mes na warda di polis di Boneiru, na Kaya Libertador Simon Bolivar #4. Ademas polis ta supliká kualke persona ku por a mira, tende òf tin informashon tokante e kaso ariba menshoná pa tuma kontakto ku polis via 715 8000 òf via di e number di tep anónimo 9310.

**Bo tin un tep pa nos? Whatsapp BONERIANO na +599 795-8482**

# BIDA SALÚ

*Tripa i serebro ta kambia huntu*

## Baha peso tin mas influensia riba e kurpa

**KRALENDIJK** -- No solamente bo figura ta kambia ora bo pèrdè peso, pèrdè peso tambe ta kousa kambionan importante den e komposishon di e bakterianan den nos tripa i den nos aktividat serebral, ku di sierto manera tambe ta afekto otro.

Temporada di Pasku i anochi di aña nobo ta pa hopi un periodo di karidat i hopi kuminda. Hopi biá nos ke pèrdè e kilo di mas lihé atrobe, p'esei pèrdè peso ta un di e resolushonnan di aña nobo mas popular. Pero no ta importá kon fásil e peso ta oumentá, por ta hopi difísil pa pèrdè e peso ei atrobe.

Nos tripa, hormonai nos serebro ta influensia nos peso i nos komportashon alimentisio. Pero kiko ta sosodé si bo logra pèrdè peso. E ta afektá nos kurpa a reves. Esei ta loke sientífikonan Chines a deskubrí.

Nan a eksaminá s p e s í f i k a m e n t e personanan ku sobre peso ku tabata sigui un dieta special, restriksion intermitente di energia òf restriksion periódiko di energia. Esaki tabata nifiká ku e partisipantenan tin biá tabatin dianan ku nan tabata kome masha poko i tin biá dianan ku nan tabata kome normal.

E dieta akí a dura un total di 62 dia i tabata konsistí di dos parti. Den e promé parti, e partisipantenan a risibí kuminda spesial di un dietista, ku kada bes ménos kaloria. Esei ta te ora ku e kuminda ta terminá konteniendo solamente un kuart di un tripa normal di kuminda. Den e di dos parti, e partisipantenan a haña un lista di kuminda saludabel pa skohe for di dje, ku tabata konta pa mas o ménos 500 kaloria pa dia pa e muhénan i 600 kaloria pa dia pa e hòmbènan.

### Resultado

Investigadónan tabata hopi curioso pa e relashon entre bakterianan den e tripa, e serebro i e komportashon alimentisio. P'esei, promé durante i despues di sigui ku e dieta, nan a analisá e aspektonan di salú di e partisipantenan. Promé ku esei, nan a wak e pupu, a tuma sanger i a hasi skèn den e serebro.

Esaki a mostra entre otro ku e dieta di e grupo akí a funshoná bon pa pèrdè peso, e partisipantenan a pèrdè un averahe di 7.6 kilo. Tambe nan tabatin ménos vèt, un sintura mas estrecho, preshon di sanger mas abou i mihó saku den

sanger, kolesteròl i funshon hepátiko.

### Influensia di bakteria

Pero sigui ku e dieta tambe a afektá e bakterianan di tripa i e aktividat serebral. Asina despues di e dieta, e investigadónan a opservá ku tabatin ménos aktividat serebral den e áreanan involví den apetit i adikshon.

Tambe nan a mira ku e proporshon di diferente tipo di bakteria di tripa a kambia.

Peso ta determiná eskoho di kuminda E atenshon na e aktividat alterá ta hopi importante, Qiang Zeng, un di e investigadónan, ta bisa. Sobre peso ta un di e problemanan di salú mas grandi di nos tempu. Tin tur sorto di manera pa pèrdè peso rápidamente, pero mantené un peso normal durante henter bida, ta hopi mas difísil.

Ironiamente e peso tambe ta determiná e eskoho di kuminda, Zeng ta bisa. Wak e hendenan rònt di bo. Ken por resistí un pida bolo delisioso, sí tin un opshon. Hende flaku ta skohe kuminda ku ta baha den kaloria riba nan mes, miéntras ku hende ku ta sobre peso, al kontrario hopi biá ta mantené na kuminda ku ta riku den kaloria. I esei por ta debí na e interakshon entre e intestino i e serebro.

### Sobre estimá kon saludabel nos ta kome

Nos tur sa ku un kuminda saludabel ta hopi importante. Esaki ta prinsipalmente pasobra

e ta baha e riesgo di diferente malesa, inkluyendo e riesgo di malesa kardiovaskular, aksidente serebrovaskular i malesa di alzheimer. Sinembargo, hopi biá ta difísil pa mantené un patronchinan di kuminda saludabel. Pero sorprendentemente mayoria di nos ta parse ainda konvensí di kome saludabel, asta sí no hasié, un estudio di 2022 a demostrá.

Di e mas ku 9.700 partisipante, mas o ménos 8.000, mas o ménos 85 porshento, a klasifiká nan kalidat nutritivo na un manera inkorekto. Di e personanan akí, kasi tur a sobre estimá, 99 porshento, salú di e dieta. Esaki ta nifiká ku nos ta pensa masivamente ku nos ta kome mas saludabel ku loke ta realmente e kaso. Pero esei no ta ni e kos mas sorprendente, segun investigadó Jessica Thomson.

“Loke nos ta haña mas sorprendente ta te unda hende ta sobre estimá e salú di nan dieta,” el a bisa anteriormente den un kombersashon ku [Scientias.nl](https://www.sciencias.nl). “Por ehèmpel, nan a persepsioná nan dieta komo masha bon, ora en realidat nan patronchinan di kuminda tabata pober.”

### Interakshon di tripa i serebro

“E microbioma di tripa ta influensia e balansa energétiko i tambe ta interakshoná ku e serebro via loke nos ta yama 'eje microbioma cerebro-tripa',” Zeng ta bisa. Hopi estudio sientífiko ya a demostrá ku e as akí ta enbolbí den desaroyo di sobre peso, pero ainda no ta kla kon komunikashon ta funshoná eksaktamente. E investigashon akí tambe ta lucha ku esaki. E kambionan ku a

opservá ta relashoná ku otro, ta parse kla, pero kiko eksaktamente ta e kousanan i kiko no ta e konsekuensianan.

“Nos ta kere ku e bakterianan den e tripa ta komuniká ku e serebro den un forma kompliká i bi-direkshonal. Bakteria ta produsí supstansianan ku ta yega e serebro via nèrvio i sanger.

Alkontrario, e serebro ta kontrolá e komportashon alimentisio, miéntras ku e kuminda ku nos ta kome ta kambia e komposishon di e bakterianan den e tripa,” investigadó Xiaoning Wang a bisa.

### Investigashon di siguimentu

Miéntras ku ainda tin preguntanan sin kontesta sí kambionan den e microbioma di tripa ta kousa kambionan den e serebro òf vice vèrsa, segun Zeng.

E resultatdonan akí ta duna un direkshon pa investigashon den futuro riba kon komunikashon entre e microbioma di tripa i e serebro ta afektá pèrdida di peso.

Segun ko-outor Liming Wang, e siguiente pregunta ta, pues kon e bakteria den e tripa i e serebro ta komuniká eksaktamente den hende ku ta sobre gordo, asta sí nan ta pèrdè peso.

Por ehèmpel, ki bakteria spesífiko den e tripa i ki region di e serebro ta spesífikamente importante pa un pèrdida di peso eksitoso i pa mantené un peso saludabel.

Investigadónan ta spera ku esaki lo duna nan un mihó kompreshon di e ròl di bakterianan di tripa i e serebro den obesidat i pèrdida di peso, pa no solamente kontribuí na forman nan nobo pa hende pèrdè peso, pero tambe pa keda saludabel.





# Promé ekspedishon di e NGO lokal Blue Defenders den Yarari Sanctuary

**KRALENDIJK** -- Awe promé ekspedishon di e Blue Defenders ta kuminsá. djaweps 11 di yanüari, e organisashon 'non-profit' E ekipo, ku ta konsistí di



## Konseho Insular a reuní ku van Huffelen

**KRALENDIJK** -- Djárason mainta riba petishon di Sekretario di Estado Alexandra van Huffelen, a tene un reunion promé ku e komishon di konfiansa i despues den un

reunion èkstra di komishon ku tur miembro di Konseho Insular. E tópiko di ámbos reunion tabata e prosedura pa yega na e nombramentu di un Gezaghèber nobo.

Mirando e karakter konfidensial di e proseso, no por duna komunidad dor di òf na nòmber di Konseho Insular, detayenan adishonal ainda.

## Van Huffelen ta splika e proseso di nombramentu di gezaghèber

**KRALENDIJK** - Sekretario di estado Van Huffelen ta na Boneiru pa duna splikashon tokante di e siguiente paso den e proseso di nombramentu di un gezaghèber nobo. E prosedura di solisitut a inisiá na yüni 2023. Sekretario di estado Van Huffelen a papia awe ku e komishon di konfiansa di e prosedura di solisitut, Konseho Insular i Kolegio Ehekutivo di Boneiru. Te ku nombramentu di un kandidato nobo, Nolly Oleana ta tuma enkargo temporal di e funshon.

aki ta tuma lugá di forma kouteloso i ta tuma tempu. P'esei, ainda e prosedura ta kana. Sekretario di estado Van Huffelen: "Mirando e desafionan grandi riba e áreanan di kombatementu di pobresa, ekonomia, klima i supervishon i mantenshon, Boneiru tin mester di un peso atministrativo pisá komo gezaghèber. Pa e motibu aki mi

ta haña importante pa e proseso bai di forma kouteloso." Nolly Oleana lo okupá e funshon di gezaghèber te na momentu ku nombra un kandidato nobo: "Ta un honor i plaser pa por sirbi e komunidad di Boneiru. Mi ta sinti e responsabilidat pa ku e tarea aki i mi ta agradesido di por sigui hasi esaki te na momentu ku nombra un susesor adekuaado."



E funshon di gezaghèber di Boneiru ta un funshon atministrativo eksigente i importante. Pa e motibu aki, e proseso pa yega na yena e vakatura

ekspertonan residensí na Boneiru, lo hasi investigashon riba kantidat, sorto i moveshon di bayena, tribon i manta. Hasiendo uso di un simpel hidrofon, spòter i kaptura di imágen pa medio di fotografia, Blue Defenders ke duna un bista riba e megafauna marino.

For di 2015 e área rondó di Boneiru, Saba i Sint Eustatius ta un parke natural bou di e nòmber Yarari Marine Mammal & Shark Sanctuary. Informashon tokante e presensia, kantidat i sorto di megafauna marino a antikuá. E NGO ta bai kambia esaki pa medio di diferente investigashon den e área. Ta kuminsá den e awanan rondó di Boneiru. Lo kompartí e datonan generá ku stakeholdernan importante pa asina por transformá e informashon den medidanan di protekshon efektivu.


Casper Douma, fotógrafo i kofundadó di Blue Defenders: "Dos aña pasá, na e banda ost di Boneiru, mi a mira algun 'blows' di bayena. Mesora a tuma kontakto ku Dutch Caribbean Nature Alliance (DCNA). Un avion chikitu por a yuda nos detektá e bayenanan. Tabata tin hopi aktividat rònt di un skol di piská, vários tribon i bayenanan Bryde ku tabata hasi bon pa nan mes na un distansia di mas o ménos 1,5 km for di kosta. Esei

tabata motibu sufisiente pa hasi mas investigashon i asina a bin ku e idea pa establese e NGO.

Hopi menasa ta pone e megafauna marino bou di preshon. Pa por brinda protekshon den Yarari Sanctuary, ta importante pa kolektá dato nobo. Pa por ta eksitoso den protekshon, mas importante ku investigashon den e área, ta pa hasi kolaborashon ku otro. Den e añanan benidero nos ke traha aliansa ku partnernan importante, entre otro pa envolví un universidat.

Ta yama danki na nos spònsernan Bonaire Yacht Charters, DCNA, Van der Tweel Supermarket i tur spònsers mas chikitu ku a kontribuí na realisashon di e promé biahe. Tambe nos ta gradisí Stinapa ku a sostené nos den organisashon di e ekspedishon. E organisadó ta sumamente ansioso pa sa kiko nos lo topa. No por pronostiká esaki di antemano, i ku un área di investigashon amplio, nos ta mira e promé investigashon komo unu piloto. Despues di e biahe di tres dia aki nos ta plania e otro investigashonnan ku e konosementu ku nos a haña.

Pa keda na altura tokante e ekspedishon por sigui riba Facebook <https://www.facebook.com/BluedefenderofOceans> òf via [www.bluedefenders.org](http://www.bluedefenders.org)



# Entiero Chelo Lion

**KRALENDIJK-** Ayera, di un hinkamentu ku konsekuensia fatal i a pèrdè su bida 26 di dezèmber 2023.

Chelo tabata víktima

Pas na su restunan.



ENTIDAD PÚBLICO BONEIRU



## Vakatura

Sea e diferensia ku bo ke mira. Solisitá awó!

Konsultor di lesamentu na biblioteka

Mas informashon?

Último dia pa solisitá: 29 di yanüari 2024

[www.bonairegov.com/bestuur-organisatie/vakatura](http://www.bonairegov.com/bestuur-organisatie/vakatura)

BOG i Kámara di Komersio a firma akuerdo i kolaborashon

# Oportunidat úniko pa empresario lokal

**KRALENDIJK** – Bonaire Overheidsgebouwen N.V. (BOG) i Kámara di Komersio i Industria, KvK, ta duna empresarionan lokal oportunidat pa via di un akshon úniko bini na remarke pa e eksplotashon di un di e tres kioskonan na e parke di rekreashon ku ta konstruyendo entre Chogogo Beach Resort i DenLaman Condominiums. Djárason 10 di yanüari, e dos organisashonnan akí, a firma un akuerdo di kolaborashon.

Meta di e akuerdo di kolaborashon akí ta pa stimulá empresariado lokal, duna ekonomia di Boneiru un impulso i duna empresarionan nobo i eksistente espasio i ekipahe pa kontinuá ku nan desaroyo. Interesadonan por yena un formulario den forma digital via e wepsite di Kámara di Komersio, òf por hasi uso di un QR-code. Banda di esaki, mester opload presentashon i motivashon di e plan di negoshi, huntu ku un CV via e formulario. Pa mas informashon i asistensia ku yenamentu di e formulario por manda un email na Sentro di Empresariado via [ondernemerschap@kvkbonaire.com](mailto:ondernemerschap@kvkbonaire.com) òf yama 717-5595. Partisipashon na e oportunidat akí ta posibel

te 31 di yanüari 2024. For di tur formulario ku drenta, un tim konsistiendo di profeshonal di e sektor i partnernan, ta skohe sinku partisipante ku ta bai partisipá na e gran final, un evento den estilo di un ‘tanki di tribon’, kaminda ta anunsiá e tres ganadónan final. Pa kada kiosko tin un kapital inisial di 5 mil dòler disponibel komo impulso di BOG.

Pa salvaguardiá e chèns pa logra i éksito di e empresarionan akí i pa oumentá konosementu di empresariado, guia i partisipashon na KvK Academy, ta na enkargo di Kámara di Komersio via Sentro pa Empresariado.

“Laga nos stimulá i sigui promové kolaborashon entre organisashonnan i empresanan i huntu traha brùg pa Boneiru,” segun Phar Martha, direktor di Kámara di Komersio.

Direktor di BOG, Adely Susana-Jansen, ku alegria a bisa: “Nos ta sumamente kontentu ku hasiendo uso di e oportunidat akí, nos por duna un aporte na ekonomia di nos isla i ku di e manera akí nos por duna un impulso na nos empresarionan lokal. Ku orguyo nos por bisa ku e parke a bira posibel pa nos mes hendenan i atraves di nos mes hendenan.”



## Plakat nobo di ROA CN

**KRALENDIJK** -- Ezone Logistics a risibí nan plakat nobo di ROA CN for di stazjèr Jojuana e siman akí.

Nan ta un kompania hopi aktivo den

guiamentu di stazjèr di estudionan di negoshi. Leydi Multi Services Bonaire B.V., awor ta un kompania rekonosé pa guia studiante.

E kompania ta bende

piesa di outo i tambe ta hasi limpiesa. Nan ta habrí pa duna guia na studiantenan di MBO nivel 1 den estudionan benta i komersio i kuido i servisio.





**ENTIDAD PÚBLIKO BONEIRU**



# Vakatura

Sea e diferensia ku bo ke mira. Solisitá awó!

**Empleado prinsipal A – Kultura**

Mas informashon?

Último dia pa solisitá: 22 di yanüari 2024  
[www.bonairegov.com/bestuur-organisatie/vakatura](http://www.bonairegov.com/bestuur-organisatie/vakatura)

Esther Sedney di CBS:

## Lo no tin senso mas riba islanan di Hulanda Karibense

**KRALENDIJK** – Tenementu di senso riba e islanan di Hulanda Karibense, Boneiru, St. Eustatius i Saba, a pasa pa historia. E último senso ku a tuma lugá na Boneiru tabata fo'i tempu ku e isla aki tabata forma parti di e anterior pais Antia Hulandes. Esaki Esther Sedney di CBS – Ofisina Sentral di Estadística – a bisa den e programa Aktualidat na Bonaire.tv.

Esther Sedney a splika ku CBS ta sirbi tur e islanan BES, anke nan ofisina ta situá na Boneiru den parti den e kompleho di Harbour Village. Nan no tin ofisina, filial, riba e islanan Saba i St. Eustatius.

“Nos ta pendiente sinembargo pa sirbi Saba i Statia. Regularmente nos kolaboradónan ta biaha pa e islanan ei, na unda ta organisá enkuesta, meskos ku ta sosodé na Boneiru”, Esther Sedney a trese dilanti den e programa Aktualidat na Bonaire.tv.

Pa haña informashon pa yega na su publikashonnan CBS ta konta ku koperashon di diferente ‘stakeholder’, manera Ofisina di Asuntunan Sivil, KMar, Duana, Servisio di Impuesto, Entidat Públiko.

Sedney: “Nos ia atendé ku demografia di e tres islanan aki. Nos ta sigui nasementu, fayasimentu, imigrashon i emigrashon.

Kiko ta e influensia di esakinan riba e poblashon di islanan BES. Mas aleu nos ta analisá sifranan di empleo. Nos ta purba yega serka tur hende den nos dunamentu di informashon. Nos ta saka komunikadonan di prensa den tres idioma. Nos ta usa hopo gráfiko pa splika e konseptonan ku nos ta manehá.”

Ántes tabatin senso riba e islanan di anterior Antia Hulandes. Den e konstelashon di BES no tin senso mas kada 10 aña, manera ántes. Awendia CBS ta buska informashon tokante demografia di e islanan serka su ‘stakeholder-nan. Ta kompletá e informashon

demográfiko ku enkuestanan regular ku nan ta organisá. E fuentenan aki CBS ta usa pa yega na sifra i análisisnan ku ta publiká regularmente.

“Nos tin un tim grandi di 35 persona ku nos ta

usa pa e enkuestanan aki. Agun di nan ta trahando for di 2010 ku nos. Entre otro e enkuesta di forsa laboral. Kada dos aña nos ta tene esaki. Tin tambe e enkuesta OMNIBUS”, segun Esther Sedney.



*Pa proyekto di kapa i sterilisashon*

## Veterinarionan boluntario direkshon pa Boneiru

**KRALENDIJK** -- Un grupo di veterinario i para-veterinario di Hulanda, ta bini direkshon di Boneiru fin di yanüari pa un proyekto di kapa i sterilisashon.

A organisá e proyekto akí huntu ku organisashonnan di bestia ku ta traha huntu. E boluntarionan ta spera

di yuda kachó i pushi di kaya riba e isla.

Den siman di 30 di yanüari pa 5 di febrüari, e grupo di boluntario ta bai atendé ku mas tantu kachó i pushi posibel na Boneiru. E organisashonnan ku ta traha huntu ta trese e bestianan.

Tambe nan ta bai duna asistencia na diferente

fundashon riba e isla. Ku e kapamentu i sterilisashon grátis, nan ta purba di yuda e bestianan riba e isla.

Dos luna pasá FKK Boneiru a bati alarma kaba. Segun e organisashon, e manera aktual di anda ku bestia riba e isla ta karga awa hiba laman. Gobièrnu di

Boneiru no ta rekonosé ainda e grupo di kachó di kaya, maltrato di kachó i kachónan ku ta ladra den kuránan. E organisashonnan di Boneiru no por konta ainda ku berdadero sosten di gobièrnu.

Un di e boluntarionan ku ta bini Boneiru fin di luna a konta Bonaire.nu: “Nos ta spera di por kapa i sterilisá mas tantu bestia posibel den e siman akí. Donashon ainda ta sigur bon biní tambe. Donashon lo yuda nos enormemente.

Ku e sèn ei lo yuda

fundashonnan lokal ku ta partisipando ku e trabou kontra kachó i pushi riba kaya.”

Hopi hende riba e isla ta sostené e grupo di veterinario ku ta biniendo Boneiru. No solamente nan ta reakshoná entusiasamá. Hopi restorant i persona individual, ta ofresé e grupo di boluntario kuminda grátis. Tambe tin diferente spònsor ku a duna un kompensashon. Ku e donashonnan e boluntarionan ta haña un sosten èkstra.

(Fuente: Bonaire.nu)



Popularidat ta relativo

P'esei un propio estilo

No solamente pa ta eksitoso

Sino sigur mas balioso

**Brò KèS 93.5 FM**

pokopoko pero sigur mas i mas hende ta ...

Skuch'è



Telefon/ WhatsApp +599 701 0935

[www.radio935bonaire.com](http://www.radio935bonaire.com)

# Impulso nobo pa proyekto kontroversial Sunset Beach Resort

**KRALENDIJK** – E di Sunset Beach Resort, plan pa konstrukshon apesar di e pèrmit nengá

## Gasolin i diesel ta baha

**KRALENDIJK** -- Entrante 12 di yanüari ta adaptá preis di benta pa kombustibel. Preis di gasolin ta baha ku 3 sèn dòler, preis di diesel ta baha ku 11 sèn dòler, preis di kerosin ta subi ku 2 sèn dòler.

Preis di bòter di gas grandi ta subi ku 1 dòler i preis di bòter di gas chikí ta subi ku 10 sèn dòler.

Entrante 1 di yanüari e tarifa di akseins pa gasolin ta 31,86 sèn pa hèktoliter debí na e echo ku e rebaho di akseins a kaduká di parti di Reino.

Banda di esaki, entrante 12 di yanüari ta adaptá e márgennan di komèrsio por menor. E márgen di komèrsio por menor pa gasolin ta 8 sèn i pa diesel tambe e ta 8 sèn.

dor di e anterior Kolegio Ehekutivo, ainda no ta for di mesa.

Esaki por dedusí for di un komunikado di prensa den kua Europarcs Group ta anunsiá ku a traspasá interes por parti di 50% den e Bonaire Resort eksistente pa e empresario Hulandes bibá na Boneiru, Peter Starreveld.

E grupo ta bisa ku e ke dirigí su mes kompletamente riba aktividatnan na Benelux, Alemania i Oustria. E intenshon ta pa bou di Starreveld, pa banda di e desaroyo mas aleu di e Resort Bonaire eksistente, duna tambe un impulso nobo na e realisashon di e segundo resort planiá Sunset Beach Resort. E plan di konstrukshon pa e último akí a keda rehasá komo ku e tabata muchu haltu i ta kontené muchu hopi kamer riba un espasio muchu chikitu.

### Traspaso

E komunikado di Eurparcs Group ta indiká ku e grupo a traspasá su e interes por parti den

Bonaire Resort na Peter Starreveld.

Motibu di esaki ta un eskoho stratégiko di Europarcs Group pa fokùs kompleto riba su aktividatnan na Benelux, Alemania i Oustria. Starreveld, doño di entre otro De Wit Group i empresario na Boneiru, lo tuma e responsabilidat di direktor di direktiva di Bonaire Resort riba dje.

Bonaire Resort aktualmente ta eksplotá un resort vakashonal na Boneiru. Pa medio di invershon den esaki, Europarcs tabata un akshonista ketu di Bonaire Resort. Ku e eskoho stratégiko pa konsentrá su mes riba aktividatnan Europeo, Europarcs a bai en buska di un partido adekuá pa tuma su interes den Bonaire Resort over.

Wouter Vos, direktor ehekutivo di Europarcs Group: “Ku Starreveld nos a haña un partner nobo pa Bonaire Resort, kaminda nos por traspasá nos interes ku konfiansa. Nos konosé Peter komo un empresario konfiabel i partner di negoshi di

Europarcs. Banda di esei, e mes pa hopi haña ta doño orguyoso di un apartamentu na Resort Bonaire.”

Peter Starreveld tokante e traspaso di invershon nobo akí: “Mi ta orguyoso i ta mira dilanti na un reto bunita riba e isla bunita akí. Ya pa kasi 10 aña nos ta hopi enbolbí ku Boneiru. Desde korto tempu nos empresa di konstrukshon na Boneiru ta traha huntu ku instansianan lokal, manera e korporashon di kas FCB i e ministerio di BZK, na desaroyonan ekonómiko mas aleu di e isla. E oportunidat akí ta hunga un ròl aktivo den e desaroyo mas aleu i eksplotashon di Boneiru Resort, ta kuadra bon.”

Starreveld, komo 50 porshento akshonista, lo tuma e maneho diario i direktor di Bonaire Resort riba dje. Banda di e desaroyo mas aleu di e eksistente Resort Bonaire, ta intenshon tambe pa duna tambe un impulso nobo na e realisashon di e di dos resort planiá Sunset Beach Resort.

## Partisipashon

Preis pa produktonan di kombustibel entrante **12/01/24**

**PREIS POR MAYOR**

Gasolin	\$ 127.06	USD ct pa liter
Kerosin	\$ 108.00	USD ct pa liter
Gasòil	\$ 103.19	USD ct pa liter
LPG 100 lbs	\$ 46.26	USD pa silinder
LPG 20 lbs	\$ 9.61	USD pa silinder

**PREIS POR DETAYISTA**

Gasolin	\$ 135.00	USD ct pa liter
Kerosin	\$ 110.00	USD ct pa liter
Gasòil	\$ 111.00	USD ct pa liter
LPG 100 lbs	\$ 52.50	USD pa silinder
LPG 20 lbs	\$ 11.10	USD pa silinder

**Gezaghebber**  
R.A. Oleana

**Sekretario Insular**  
mr. C.J.L. Frans

EDITOR: Bonaire Communication Services N.V. | Djaweps 11 mei 2023 | Preis: \$1.25

## AMTENAR NO TIN RESTRIKSHON

PA MANIFESTA

Pa aviso i komunikado den  
Extra/BONERIANO  
Redakshon:  
[extrabon@gmail.com](mailto:extrabon@gmail.com)  
Aviso:  
[avisobon@gmail.com](mailto:avisobon@gmail.com)

Pa mas informashon por yama nos  
libramente na 717-8482

BONERIANO e korant mas lesá akí na Boneiru!

PIESA TIRE PA BO AUTO, BUS OF TRUCK

NAPA

CARD



*Fin di un era di tradishon bieu*

# Karni kachó for di menú

**KRALENDIJK/SUR KOREA** -- Na Sur Korea un proyekto di lei ku ta prohibié matamentu di kachó i benta di karni di kachó, a keda aseptá unánimemente. E lei lo drenta na vigor na 2027, poniendo fin na un tradishon sentenario den e pais di Asia Oriental.

Ku 208 voto na favor i 0 voto kontra, e proposishon a keda aprobá den Parlamento. E prohibishon ta apliká pa kria, sakrifiká i benta di kachó pa konsumo,

ku pronto lo enfrentá sentensianan di 2 pa 3 aña di prizòn, òf multa di te ku 30 mion won, mas di 20 mil euro. E proyekto di lei no ta inkluí sanshon pa kome karni di kachó.

E motibu di e proposishon ta e amor kresiente pa animal den Sur Korea moderno. “Nos a yega na un punto di kambio pa salba bida di miónes di kachó den e industria kruek akí,” Borami Seo, di un organisashon di derechonan di animal na

Sur Korea, ta bisa.

## *Mas amante di animal*

E tentativanan anterior pa prohibí komersio di karni di kachó a fracasá pa motibu di e protestanan di e industria di kachó. E lei nobo ta stipulá tambe un kompensashon finansiero pa empresanan ku ta hasi komersio ku kachó, òf karni di kachó. Segun sifranan di Gobièrnu, Sur Korea tin mas di 1.100 sitio unda ta kria kachó pa konsumo i mas o ménos 1.600 restorant unda ta

sirbí karni di kachó.

E sosten pa e prohibishon a krese bou di presidente Yoon Suk-Yeol i su esposa Kim Keon-Hee. Nan tur dos ta gran amante di animal i a adoptá seis kachó i ocho pushi. Enkuestanan resien na Sur Korea, ya a mustra ku e konsumo regular di karni di kachó pa parti di e poblashon ta kayendo, specialmente den e siudat.

Den e parti pafó di Sur Korea, kome karni di kachó ta keda popular. E tin un efekto refreshante riba e kurpa den zomer, e amantenan di karni ta bisa.

Pa gran frustrashon di e organisashonnan di derechonan di animal, karni di kachó ainda ta riba e menú di e restorantnan, asta den e kapital Seoul.

Durante añanan, aktivistanan a lucha kontra su produkshon. Pa motibu di su demanda kresiente pa prohibishon i preokupashon pa e imágen internashonal di Sur Korea, e tabata den

linia ku e ekspektativanan pa aprobá e proyekto di lei.

## *Industria den dekadensia*

E industria di kachó ta leu di ta kontentu ku e lei nobo i a protestá for di su promé anunsionan. E industria ta sinti ku e popularidat di karni di kachó ta baha entre hóbennan, e industria mester muri un morto natural. E kriadónan, restorantnan i ansianonan, ta bisa ku lo ta difísil pa konstruí un otro bida awor.

Por ehèmpel, un kriadó di kachó, Joo Yeong-Bong, di e asosiashon Koreano di kriadónan di kachó ta bisa BBC ku e industria ya ta den dekadensia: “Dentro di dies aña, e industria lo dispersé. Nos ta den nos 60 i 70 aña i awor nos no tin otro solushon ku pèrdè nos ganashi.



Esaki ta un violashon di libertat di hende pa skohe loke nan ke kome.”  
(Fuente: NOS)



## MONCHI & TONCHI

Atrobe un boneriano den festival di tumba na Kòrsou. Tremendo.

Awèl si, su tata a skirbi e tumba. 'Dal e ku krùk laga bai'



## KOLOFÓN

Editor: Bonaire Communication Services N.V.  
Kaya Irlanda 12,  
Tel. 717-8482

Redakshon: [extrabon@gmail.com](mailto:extrabon@gmail.com)  
avisobon@gmail.com  
Wèpsait: [www.extraboneiru.com](http://www.extraboneiru.com)  
Facebook: Extra Boneiru

Direktor  
Shirley Martis  
785-3824  
796-3824

Hefe di redakshon  
Nathaly  
Evertsz-Ipcedencia

Redakshon  
Papi Antoin  
Edson Pietersz  
Ibi Piar (deporte)

Partner na Aruba  
Awe Mainta  
Partner na Kòrsou  
Extra  
Partner na Boneiru  
Live99

Layout  
Maya Beaumont

Konsehero:  
Bò Antoin  
786-6818

Aviso  
[avisobon@gmail.com](mailto:avisobon@gmail.com)

# Un mensahe di Santa Sede tokante Fiducia Supplicans

I.Media

*Ménos di un mes despues di e publikashon di e deklarashon Fiducia Supplicans, e Prefekto di e Dicasterio pa Doktrina di Fe, Kardinal Víctor Manuel Fernández, publiká un komunikado di prensa djaweps 4 di yanüari 2024 pa "yuda na klarifiká resepsion" di e teksto*

Aunke a alsa hopi bos kontra e dokumento akí, ku ta outorisá bendishonnan no litúrgiko ni ritualisá di parehanan di mesun sekso òf «divorsia òf a bolbe di kasa», Roma a atmití ku su aplikashon por «permití modalidatnan di aplikashon diferente» segun e konteksto lokal, «pero no un nengashon total òf definitivo». Tambe e ta ofresé un ehemplo di orashon di bendishon ku ta dura «dies òf diessinku sekònde». E komunikado, firmá pa e Prefekto i pa e Sekretario di e Sekshon Doktrina di e Dikasterio pa Doktrina di Fe, Mons. Armando Matteo, sigui pa dos entrevista konsedé dor di e Prefekto, Kardinal Víctor Manuel Fernández, den e último simannan. A petishon di prensa, ya el a kontestá na e numeroso krtika formulá públikamente dor di kardinalnan, obispanan, saserdotenan i laikonan di henter mundu for ku publikashon di Fiducia suplicans, dia 18 di desèmber 2023.



Papa Francisco i Kardinal Víctor Manuel Fernández

Ku e komunikashon nobo, e Perfekto ta afirmá ku ta deseá ofresé un kontesta na e «komprensibel deklarashonnan di algun konferensianan episkopal» tokante di e Deklarashon. Pero e ta insistí den ku nan reakshon «no por interpretá manera un oposishon doktrina». «E dokumento ta kla i klásiko tokante matrimonio i seksualidat», ta suprayá, segurando ku no posibel «distanzia su mes di e doktrinalmente» ni konsider' é

«herético, kontrario na e Tradishon di Iglesia òf blasfemia». En partikular, e ta señalá ku komo «Deklarashon», e teksto tin un «alto perfil» magisterial ku ta situá mashá riba di un Responsum òf un Karta Apostólisko.

E ta posibel no aplik' é, pero no neng' é

No opstante, e kardinal argentino ta konsiderá ku e krtikanan formulá «ta basa prinsipalmente den un aspekto práktiko» di e teksto. En

partikular, e ta rekonosé ku si bon e «aplikashon inmediato» ta posibel den algun konteksto, no lo ta den otro, especialmente den paisnan kaminda homoseksualidat ta kondená, prohibí òf penalisá. Ta pesei, segun kardinal Fernández, obispanan por konsiderá ku nan «no mester inová» a korto plaso i, por tantu, no outorisá e bendishonnan akí. No opstante, semper mester tuma «e tempu nesario pa lesa i interpretá» e deklarashon.

Pero aunke Santa Sede por «aseptá diferente método di aplikashon», rechasá kualkier «nengashon total òf definitivo di e kaminda e proposishon na saserdotenan». Al contrario, e ta animá na desaroyá katekésis pa yuda na komprendé e tipo di bendishon.

Bendishonnan «mashá kòrtiku»

E ophetivo di e dokumento, insistí Santa Sede, ta promové un «pastoral popular» den liña ku e estilo adoptá pa Papa Francisco for di inisio di su pontifikado. Ku e teksto akí, e ta invitá saserdotenan na «balará e fe simpel di e pueblo di Dios ku, inkluso mei mei di nan pikanan, Sali di e imanensia i habri di nan kurason pa pidi yudansa di Dios». E prefekto ta suprayá ku e dokumento distingui entre dos tipo di bendishon: bendishonnan «litúrgiko òf ritualisá» i bendishonnan «spontáneo i pastoral», ku no mester konfundí, ya ku e últimonan no ta den ningun kaso un matrimo-

nio, aprobashon òf ratifikashon di «nada».

Orashonnan «pastoral» pa parehanan den situashon iregular mester ta «mashá kòrtiku», no durando mas di «algun sekònde». Durante e orashon, e saserdote por implorá «pas i salú» pa e pareha, òf ta pidi «Ku Spiritu Santu ta libra e dos personanan di tur loke no ta respondé na su divino boluntad i di tur loke mester purifikashon». Pa evitá kualkier ambigwedat, e bendishon nunca mester tin lugá dilanti di e altar di un iglesia òf «den un parti importante di un edifisio sagra-do».

Pa yuda e obispanan, e Dicasterio pa e Doktrina di Fe ta duna un ehemplo di «orashon simpel» ku lo konsider' é na un pareha di divorsia komprometí den un union ku ta pidi un saserdote ku el a topa den un peregrinashon un bendishon ku ta yuda nan pa konfrontá e pruebanan. Aki e teksto:

«Señor, mira bo yunan i konsedé nan salú, trabou, pas i yudansa mutuo. Libranan di tur loke ta kontradi sí bo Evangelio i duna nan e poder di biba segun bo boluntad. Amèn».

E teksto di «dies òf diessinku sekònde» ta ofresé un «kanal» ku por konduzí na un bida mas fiel na e Evangelio, e kardinal Fernández a bisa. «Tin sentido rechasá e tipo di bendishon akí? I el a konkluí: «Mas ayá di e polémikanan, e teksto ta pidi un esfuerso di refleksion trankil, ku kurason di pastor, liber di kualkier ideologia».

**Epifania di Señor**  
**3 REY MAGO**

**SANTA FAMA 9 11 AM**  
**Laga nos bin i risibí e Reinan Mago**

**FAMILY DAY!**

**GRAN FIESTA DI PAROKIA SANTA FAMILIA**

BINI I DISFRUTÁ HUNTU KU BO FAMILIA UN DIA DI ORASHON - DIVERSHON - MUSIK - HUEGANAN

**DJADUMIGO 21 YAN | 10:00 AM**

## ARUBA

# Velocidad halto causante di accidente na Shiribana

**ORANJESTAD** -- Dialuna anochi algo prome cu 8'or y mey ta sosode un accidente serio dilanti Subway(Paradera). Un patruya cerca di e accidente ta dirigi su mes mesora pa e sitio.

Na yegada nan a topa cu un Ford Fusion memey caminda y un banda pa pazuid un Suzuki Swift

pega contra un cura di cas. Chauffeur di e Swift a keda pega den e auto, debi cu e auto ta RHD e porta a pega y a resulta herida.

Con e accidente a sosode Nos a papia cu chauffeur di e Ford y e la conta nos cu e tawata bayendo pariba y e Swift tawata bayendo pabou cu velocidad halto.

Dado momento e Swift a

hay'e ta kita bay na su man robes debi cu un auto a bay pa drenta e parkeerplaats di Subway y pa e no dal den dje e la hala.

Den e maniobra e ta dal

e Ford dilanti banda drechi y ta sigui bay y termina contra cura di un cas.

Brandweer a yega e sitio pa yuda Paramediconan saca e chauffeur y pone den

ambulance.

Caminda parti pabou a keda cera un rato pa e trabounan y tambe pa por a hala e Ford for di caminda.



*Representando Su Mahestad Rey Willem Alexander*


## Prome Minister na Guatemala pa traspaso di mando

**ORANJESTAD** - E siman aki, varios dignatario di paisnan lo ta na Guatemala pa traspaso di mando pa Presidente elegi den e César Bernardo Arévalo de León cu lo ta tumando luga den fin di siman. Prome Minister Evelyn Wever-Croes lo biaha pa Guatemala na unda e lo representa SM Rey Willem Alexander na e acto di instalacion.

Presidente Arévalo ta un sociólogo, diplomatico, politico y presidente elegi di Guatemala na augustus ultimo cu un mayoria absoluto di voto. Señor Arévalo ta yiu di ex presidente di Guatemala na 1945 pa 1951 y lo wordo

inaugura como e di 52 presidente di Guatemala diadomingo 14 di januari proximo. Presidente Arévalo a forma su Gabinete di 7 hende muhe y 7 hende homber.

Den number di Gobierno di Aruba y pueblo di Aruba en general, Prome Minsiter ta felicita e pueblo di Guatemala cu nan Presidente nobo y ta spera cu e pueblo por brinda Presidente Arévalo tur sosten pa realisa local ta necesario pa e pais y cumpli cu su programa di gobernacion pa e proximo periodo presidencial, concentrando riba bienestar pa un y tur.



## Temporada di Carnaval a cuminsa na Aruba

**ORANJESTAD** -- Diasabra 6 di januari anochi, Prome Minister Evelyn Wever-Croes hunto cu Presidente di SMAC, señor Darren van Ommeren, a cende e cecha di Carnaval 70 y asina duna inicio na e temporada di Carnaval pa aña 2024.

Prome Minister a representa Minister di Cultura Xiomara Maduro kende a disculpa su mes pa motibo di kebrante di salud.

Aruba por a disfruta di e Parada di Flambeau sea den parada, na banda di caminda of via television y medianan social. Prome

Minister ta gradici SMAC, lidernan di gruponan, musiconan, y tur esnan cu ta engrandece e celebracion cultural di mas grandi di nos pais, nos Carnaval.

Carnaval, un temporada cortico, bunita y colorido, unda cu carnavalistanan ta muestra nan creatividad y amor pa nos cultura. Sinemabargo, e temporada aki ta exige tambe pa cada ciudadano mantene na reglanan di siguridad y sentido comun.

Prome Minister un biaha mas ta encurasha un y tur pa goza di e temporada bunita aki manera ta Aruba

so por pero, pa tene cuenta cu otro, specialmente nos muchanan.

Siguridad di nos muchanan mester ta na prome luga. Mientras cu adultonan ta disfruta di e ambiente di musica y baile, semper keda cu bista riba e muchanan y asegura cu cada stap cu nan dal, ta rondona di cuida. Preferibel ta pa nan no ta den oranan laat di anochi den e ambiente di Carnaval. Den actividadnan di dia cu solo fuerte, mantene nan hidrata y laga nan come bon y specialmente tambe, cuida nan oido cu earplugs.





KÒRSOU

# Frenciss Lourens Parlamentario nobo pa MFK

**WILLEMSTAD** – Frenciss Lourens a huramentá oficialmente djaluna komo miembro di Parlamento di Kòrsou. E ta tuma lugá di e miembro di Parlamento Amerigo Thodé, presidente di MFK. E seremonia a tuma lugá den presensia di Gobernador interino di Kòrsou, Michele Russel-Capriles. Parlamento a aprobá unánimemente e kredensialnan di Lourens djaluna mainta. E aprobashon a tuma lugá sin ningun ophetivo, indikando un apoyo amplio pa su atheshon na Parlamento.

Apesar di esaki, un debate animá a surgi

tokante e lokashon di e huramentashon, inisiá pa Sheldry Osepa di PNP. El a pleita pa e huramentu tuma lugá den Parlamento, di akuerdo ku e prinsipionan demokrátiko i similar na e práktika na Aruba. Gobernador mester bin Parlamento. E proposishon akí a keda bon risibí pa vários kolega di diferente partido polítiko, inkluyendo MAN, PAR, TPK i MFK.

Apesar di simpatia pa e proposishon, a disidí ku e kambio akí posiblemente por keda konsiderá den huramentashon despues. E lider di frakshon interino di MFK, Gilbert 'Gibi' Doran, a indiká ku el a haña e idea

dinámiko i simpátiko, pero ku ainda no tabata apliká mesora. E desishon riba su suplente komo lider di e grupo, ainda no a keda tumá. Ta spera ku partido MFK lo tuma un desishon riba e posishon importante akí na yanüari.

Frenciss Lourens, kende a okupá puesto 13 riba e lista di kandidato di MFK na 2021, a risibí 153 voto e aña ei. Su karera polítiko a kuminsá despues di a sera di e refineria Isla, kaminda e tabata empleá for di 1987. For di e tempu ei, el a keda aktivo den Gabinete di Minister di Transporte i Planifikashon Espasial, Charles Cooper.



*Miles di persona riba pia pa partisipá na e evento*

# Curaçao Baseball Week tabata grandioso

**WILLEMSTAD** -- Ku orguyo organisashon di Curaçao Baseball Week 2024 (CBW) ta mira bèk na un siman eksitoso ku ta kontribuí na desaroyo di beisbòl na Kòrsou. E aña akí CBW a konta ku partisipashon di 956 mucha, 101 coach i 18 umpire. Un logro grandi pa CBW komo ku tur aña di nobo nos komunidad ta demostrá e interes i ku beisbòl ta den nos DNA.

Pa e grandinan den beisbòl, CBW 2024 tabata un siman yen di energia positivo. Muchanan, coachnan, umpirenan, mayornan i tur presente, a laga nos grandinan den beisbòl sinti e orguyo. Tantu

e grandinan di Kòrsou komo esnan ku a kompañá for di otro pais, a papia ku elogio di e eksperensia akí. Ku partisipashon di Dusty Baker i Xander Bogaerts, entre nos grandinan, tur presente a gosa di por a mira e grandinan di aserka.

E klínikanan pa mucha, coach i umpire ku ta e base i esensia di CBW, tabata un éksito sin duda. Muchanan di tur e timnan na Kòrsou a siña i perfekshoná nan konosementu di beisbòl. Ku gran entusiasmo e muchanan a sigui instrukshonnan, demostrá nan abilidad i hasi pregunta riba e vèltnan di Tio Daou Ballpark i Didi Deeds Field.

Tambe mester menshoná

ku e homerun derby ku a tuma lugá na Bam Bam Tech Sports Zone, tabata bon bishitá pa mira kon Mairoshendrick Martinus a bai ku e título máksimo. Shakir Albert a duna bon bataya kedando na di dos lugá.

Riba e último dia di e siman, Celebrity Charity Golf Tournament a pone chèri riba e bolo. Tur grupo ku a partisipá a eksperensia un dia kargá ku gòlf i goso.

E subasta tabata tremendo pasobra a rekoudá fondo pa por kumpra mas material pa e timnan di beisbòl lokal. Na final a sera e dia ku anunsio di e tim ganador, 'Local Market' ku su miembronan Kris Williams, Calvin Maduro, Edson Kelly i Andruw Jones. E tim akí a gana e premio pa dia 30 di aprel próksimo biaha pa Miami i presensia e partido di Miami Marlins kontra Colorado Rockies.

Despues di e partido, e ganadónan por disfrutá di un sena huntu ku Hensley Meulens.

Danki spesial na tur ku di un òf otro manera a sostené e proyekto. Danki na Kòrsou pa karga e proyekto akí di forma espektakular. Keda pendiente di e website [www.curacaobaseballweek.com](http://www.curacaobaseballweek.com) i páginanan sosial di Facebook i Instagram, pa informashon di siguiente Curaçao Baseball Week.



## STATIA/SABA/ST. MAARTEN

# Entrega sertifikado na skol sekundario

**PHILIPSBURG** – E sekondario nèt promé servisio di prevenshon kolektivo, SPC, a entrega sertifikado na dos skol

ku e fakansi di Pasku pa nan partisipashon na e opservashon di Siman Mundial di Konsientisashon riba Antimicrobiano (WAAW), ku a tuma lugá di 18 pa 24 di novèmber.



CPS a tuma kontakto ku e komunidad, inkluyendo skolnan sekondario, pa kompartí informashon tokante resistensia kontra antimikrobiano, RAM i partisipá den e kampaña.

E skolnan partisipante tabata Milton Peters College (MPC), Caribbean International Academy (CIA) i Methodist Agogic Center (MAC)-Edukashon Sekundario Integral.

E tema di e kompetensia di skolnan sekondario tabata ‘Empoderá lidernan hóben den e mucha kontra resistensia kontra antimikrobiano’.

E dos kategoria ku skolnan sekondario mester a enfoká riba nan, tabata promoshon di salú, kaminda nan mester a diseñá un poster òf un video di Tiktok pa eduká hóbenan i e komunidad mas hóben riba RAM.

E di dos kategoria tabata pa establese un bos, ku tabata presentá un ensayo deskriptivo ku rekomendashonnan òf ideanan tokante kon pa evitá abuso i mal uso di antibiótiko.

Den rekonosimentu di e esfuersonan, interes i boluntat basá riba e komentario di e hurado, MAC-Educacion Sekundario Integral a gana

e premio di rekonosimentu i motivashon. E skol no a sigurá un lugá den kompetensia den ningun di e kategorianan identifiká di e premio a asumí e reto i no solamente a enfatisá e sektor médiko, sino tambe a inkluí e sektornan agrario i veterinario. Kada skol partisipante a risibí un sertifikado di partisipashon.

E meta di e kampaña di CPS ta pa divulgá informashon na diferente grupo den e komunidad i pa hende por a siña mas tokante RAM i komprondé e nesidat pa manehá e uso di antibiótiko, un preokupashon mundial, na un manera adekuá.

RAM ta sosodé ora bakteria, vírus, fungu i parasit, ta kambia ku tempu i no ta respondé mas na remedi, loke ta hasi tratamentu di infekshon difísil i ta oumentá e riesgo di propagashon di malesa, malesa grave i morto.

Antibiótika i otro antimikrobiano, ta hunga un ròl klave den e éksito di remedi moderno i a mehorá enormemente salú di hende i bestia. Pero uso eksesivo y mal uso a redusí nan efikasía i mas patogen ta desaroyá e kapasidat pa sobreviví antimikrobiano diseñá pa eliminá nan, segun VWO.

# Proyekto ‘Roots en Route’

**PHILIPSBURG** – Na e frontera di Cole Bay/ Bellevue na St. Maarten/St. Martin a lansa e proyekto ‘Roots en Route’, un kolaborashon entre Foresee Foundation, Stichting St. Maarten Utrecht (SMU) i e sineasta Tjerk Ridder.

Finansiá pa Fonds voor Cultuur Participatie i Prins Bernard Culture Funds, e iniciativa ta enserá pa promové komprondementu i respèkt dor di kompartí

identidat, punto komun i diferensia di komunidad.

E núkleo di e proyekto ta enserá un biahe di kaminata físiko di 14 dia, simbolisá pa e palabra ‘en’, ku e meta di konektá St. Maarten/St. Martin ku Europa, dor di historia kompartí i komprondementu kultural.

E biahe, ku ta inkluí habitantenan lokal i Europeo, lo krea un parti Karibense di e kaminda Europeo pa kana, ku lo

ta konektá ku e kaminda Europeo di San Martin.

E proyekto a kuminsá ku un reunion di interesadonan, ku partisipante lokal i Europeo i ta kulminá ku un presentashon na Instituto Nacional de Las Artes dia 27 di yanüari, inkorporando e eksperensianan di e ruta.

E aktuashon lo mustra e interakshon di influensia Karibense i Europeo atraves di imágenan di pelíkula, narashon di kuenta, músika

i baile.

Partnernan manera Seagrape Tours i EPIC, e organisashon ambiental, a kontribuí

na e establesementu di e ruta. Por sigui e biahe riba <https://www.facebook.com/foreseefoundation>.



DEPORTE

# FFB lo hasi bon uso di ayudo finansiero di Concacaf i FIFA

**KRALENDIJK**-- FFB ku ta e federashon di futbòl di nos isla, lo bai hasi bon uso di ayudo finansiero risibí di Concacaf i FIFA pa ku adelanto di e deporte Rei Futbòl di nos isla.

Esaki e presidente di FFB, sr. Ludwig "Luti" Balentin, a bisa den entrevista e siman aki ku sr. Ibi Piar na Radio Live 99.9FM.

Sr. Balentin ta hopi kontentu i gradisido na e loke ku FIFA i Concacaf a regalá FFB, bunita sumanan komo ayudo pa sigui desaroyá nos deporte di futbòl.

Sr. Balentin durante entrevista, a mustra su

satisfakshon i agradesido pa e loke ku tantu FIFA komo Concacaf a opsekiá FFB, bunita sumanan ku segun sr. Balentin a bisa den entrevista, ku FFB lo bai hasi bon uso di esakinan. Lo bai na yega na propio edifisio i tambe propio kancha di futbòl ku tur e fasilidatnan nesario pa ku e deporte di futbòl di nos isla.

Ya a kuminsá papia riba esakinan i sondea tambe unda lo ta mas fásil i mas mihó pa FFB via gobièrnu di Boneiru, lo por yega na e tereno adekuá pa konstruí esakinan.

FFB tin hopi bon intenshonnan pa ku esaki

i e sèn tei. Loke falta ta e tereno pa konstruí esakinan.

Esaki sin duda ku e bon intenshonnan di FFB pa ku nos futbòl, lo bira algu grandi pa ku nos isla ku tur e fasilidatnan nesario pa ku esaki. E sumanan ku FFB a risibí e aña aki di Concacaf i FIFA lo bai na yuda FFB pa sigui traha i krea mas fasilidatnan pa ku nos futbòl. Concacaf su supsidio na FFB a subi di 200 pa 455 mil dollar pa aña.

Pa loke ta e supsidio di Fifa, esaki a subi di 100 mil pa 400 mil dollar pa aña.

Sigur esaki lo bira un

bunita adelanto pa ku e deporte Rei Futbòl di nos isla. Pabien FFB i nos deporte rei futbòl ku sin duda lo bai mira un tremendo i bunita adelanto ku esaki. Nos

ta riba e bon kaminda sigur pa ku e deporte Rei Futbòl.

Hopi bon trabou ta ser hasí pa yuda nos futbòl sigui bai aun mas dilanti.

## Ainda nada fecha pa hóbennan futbolista biaha pa Hulanda

**KRALENDIJK**-- Ainda nos ta pendiente pa tende ki dia e hóbennan futbolista Jafet Vlijt i Ayrton Cicilia ta biaha pa Hulanda pa sigui ku nan karera den futbòl aya na Hulanda.

Manera ta konosí, algun hóben futbolista a hasi tryout i pasa esaki ku éksito pa sigui i kuminsá nan karera den futbòl na Pais Madre Hulanda.

E dos promé hóbennan futbolista ku tin ku biaha pa Hulanda ta Jafet Vlijt i Ayrton Cicilia.

Te ku awe ainda nos no a tende nada nada ki dia eksakto e dos hóbennan aki lo biaha pa Hulanda pa sigui ku nan karera den futbòl aya na Hulanda.

E hóbennan ta hopi entusiasmá i ta pendiente pa biaha pa Hulanda mas

pronto posibel.

Nos ta spera ku e hóbennan lo tende pronto ki dia nan lo tin di realisá e biahe pa Hulanda pa sigui ku nan preparashonnan aya na Hulanda.

Nan a hasi nan máksimo esfuerso ku tur e dedikashon i logra esaki ku éksito i awó ta pendiente pa biaha pa Hulanda i estblesé nan mes i sigui ku e preparashonnan ku ta spera riba nan.

Nos ta spera i kere tambe ku pronto e hóbennan lo tende e bon notisia ku tal dia nan lo biaha pa Hulanda.

Nos ta deseá e hóbennan aki i tambe e otronan ku lo tin di biaha pronto pa Hulanda, tur pero tur klase di éksito aya na Hulanda.

**OPTENIBEL NA**

Kuranderia popular

Ofisina di FuHiKuBo

Ofisina di Extra

Del Mar BV

**\$17,50**

Natural i spiritual

Un proyekto di Unesco i FuHiKuBo

**BONERIANO**

EDITOR: Gonare Communication Services N.V. | Djaweps 11 mei 2023 | Preis: \$1.25

**AMTENAR NO TIN RESTRIKSHON PA MANIFESTA**

Pa aviso i komunikado den Extra/BONERIANO

Redakshon: [extrabon@gmail.com](mailto:extrabon@gmail.com)


Aviso: [avisobon@gmail.com](mailto:avisobon@gmail.com)

Pa mas informashon por yama nos libramente na 717-8482

BONERIANO e korant mas lesá aki na Bonciru!

# Mondi yen di flor bunita

*Hendenan ku ta move den naturalesa boneriano por topa ku hopi flor bunita na mata i palu e dianan aki. Anke no asina abundante manera e temporada anterior, tòg yobida a hasi su trabou. Fotonan ta mustra entre otro flornan di watikeli, mata di sanger i beyisima. E último aki ta un mata importá invasivo.*



**EXTENDED**



Also available in



**\$379**

Convertible Twin Bunk Bed



2-Piece Vanity Set w/ Lights

**\$395**



CityShop

Smart shopping ▶ Better living

te ku

**65%**

off!

**END of YEAR**



Teak Deep Seater w/ Cushion

**\$325**

Teak Bar Table

**\$275**



Teak Bar Arm Chair

**\$149**